

10.02.2014.



Udruženje poslodavaca BPK Goražde učestvovalo na seminaru „Kako dograditi grad“ u Užicu od 05.02.-07.02.2014.godine u organizaciji Omadinske informativne agencije iz Sarajeva i „Akademike“ iz Beograda.

Seminar se organizuje u sklopu programa pod nazivom „Susretanja“ koji ima za cilj povezivanje i prekograničnu saradnju gradova iz Bosne i Hercegovine i Srbije. Iz Bosne i Hercegovine bili su prisutni predstavnici lokalne uprave, biznis sektora, nevladinih organizacija iz Bijeljine, Tuzle, Srebrenice, Goražda i Foče, te iz Srbije iz istih sektora iz gradova Požega, Valjevo, Šabac, Užice i Prijepolje.

Nakon uspješne konferencije „Kreativne tenzije“, održane u Tuzli od 31.10. do 02.11.2013. godine u okviru projekta E761 Susretanja, seminar Susretanja ima za cilj razvoj kapaciteta za angažovanje kreativnih pojedinaca i grupa (posebno mladih).



Ovaj seminar omogućio je da se sagledaju trendovi i mogućnosti za razvoj saradnje sa kreativnim sektorom prekogranične saradnje, što doprinosi i lokalnom ekonomskom razvoju. Seminar se bavio i korisnim tehnikama koje pomažu da se započne proces unapređivanja prakse na lokalnom nivou.

Često se na putu razvoja dobrih ideja nađu najrazličitiji obeshrabrujući faktori od nedostatka resursa, strukturne podrške do nerazumijevanja i loše komunikacije sa zainteresovanim

stranama. U toku programa učesnici su se upoznali sa načinima rješavanja problema na inovativan način, koje se mogu primijeniti kako na ove, tako i na različite druge problemske situacije u životu i u redovnom poslu u lokalnoj samoupravi.



Kako bi se podržala u realizacija nekih ideja od opšte koristi za zajednicu i pojedince u

njoj, rad se bazirao na slijedećim temama:

- Kako prepoznati praktične razloge za razvoj kreativnog sektora na lokalnom nivou;

- Kako se prepoznaju lokalni kapaciteti;
- Kako razmišljati u problematičnim situacijama – rješavanje problema;
- Kako se nositi sa promjenama
- Kako vješto pregovarati sa različitim sagovornicima i zainteresovanim stranama;
- Kako se vrši uticaj
- Kako koristiti preduzetnički pristup i u javnom sektoru

Seminar je bio kreiran kao niz interaktivnih radionica, u kojima se kreativno radi na konkretnim situacijama u poslu i životu.





